

Na osnovu člana 153. i 154. Zakona o zdravstvenoj zaštiti („Službene novine Federacije Bosne i Hercegovine“, broj 46/10 i 75/13), člana 13. stav 1. Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije Bosne i Hercegovine“, broj: 75/20), a u vezi sa Pravilnikom o kriterijima za prijem specijalizanata („Službene novine Federacije Bosne i Hercegovine“, broj 102/13, 55/14 i 99/19), Javna zdravstvena ustanova Univerzitetski klinički centar Tuzla raspisuje

## **K O N K U R S** **za izbor kandidata za specijalizacije**

### **I**

Javna zdravstvena ustanova Univerzitetski klinički centar Tuzla vrši izbor kandidata za specijalizacije:

1. Kardiologija ..... 1 specijalizacija  
(za potrebe Klinike za invazivnu kardiologiju);
2. Gastroenterologija..... 1 specijalizacija  
(za potrebe Klinike za interne bolesti);
3. Ginekologija i opstetricija ..... 1 specijalizacija  
(za potrebe Klinike za ginekologiju i akušerstvo);
4. Anesteziologija, reanimatologija i intenzivna medicina ..... 1 specijalizacija  
(za potrebe Klinike za anesteziologiju i reanimatologiju);
5. Internistička onkologija ..... 1 specijalizacija  
(za potrebe Klinike za onkologiju i radioterapiju);
6. Maksilofacijalna hirurgija ..... 1 specijalizacija  
(za potrebe Klinike za plastičnu i maksilofacijalnu hirurgiju);
7. Klinička imunologija..... 1 specijalizacija  
(za potrebe Poliklinike za laboratorijsku dijagnostiku).

### **II**

Kandidati treba da ispunjavaju sljedeće uslove:

- da imaju završen medicinski fakultet,
- da imaju položen stručni ispit,
- da imaju najmanje jednu godinu radnog iskustva nakon položenog stručnog ispita,
- da imaju važeće odobrenje za samostalan rad – licencu izdatu od strane nadležne Komore,
- da poznaju jedan strani jezik.

### **III**

Kandidati su obavezni dostaviti prijavu na Konkurs u kojoj **obavezno moraju naznačiti za koju specijalizaciju se prijavljuju**.

**Uz prijavu** na Konkurs kandidati su dužni dostaviti sljedeće dokaze:

- biografiju sa adresom i kontakt podacima;
- fakultetsku diplomu;
- uvjerenje o položenom stručnom ispitu;
- uvjerenje o radnom iskustvu nakon položenog stručnog ispita;
- odobrenje za samostalan rad – licencu;
- potvrdu o poznavanju jednog stranog jezika.

Radi utvrđivanja redosljeda kandidata u skladu sa Pravilnikom o kriterijima za prijem specijalizanata, kandidati uz prijavu trebaju dostaviti i sljedeće dokaze:

- prijepis položenih ispita na studiju;
- potvrdu o prosjeku ocjena tokom studija, te duljini trajanja studija;
- potvrdu o poznavanju jednog stranog jezika;
- nagrade za vrijeme studija;
- radnu knjižicu ili potvrdu o radnom iskustvu nakon ispunjenja uvjeta za specijalizaciju.

Sva dokumentacija koju kandidati dostavljaju uz prijavu mora biti u originalu ili ovjerenoj fotokopiji.

Kandidati se mole da ne dostavljaju dokumente koji nisu traženi Konkursom.

#### IV

Komisija za izbor specijalizanata će bodovati i obaviti razgovor sa kandidatima koji su blagovremeno podnijeli potpunu dokumentaciju. O terminu razgovora kandidati će biti obaviješteni pisanim putem.

#### V

Prijave sa traženim dokazima dostavljaju se u zatvorenoj koverti na adresu:

Javna zdravstvena ustanova Univerzitetski klinički centar Tuzla  
Sektor za pravne poslove i ljudske resurse  
Ul. Trnovac bb  
75000 Tuzla

sa naznakom: „Prijava na Konkurs za izbor kandidata za specijalizacije – Ne otvaraj“.

Konkurs ostaje otvoren 15 (petnaest) dana od dana objavljivanja. Nepotpune i neblagovremene prijave neće se uzeti u razmatranje.